

國醫萬病自療叢書

# 性病

上海大眾書局印行

# 例言

- 一、本書文字淺顯。撰句簡潔。極便一般人士之閱讀。或醫士之參考。
- 一、本書不侈高深。不論空理。在在以實能應用爲歸宿。一切詭異奇僻不近人情者。俱不錄入。
- 一、本書自月經病始。至花柳病止。劃分爲七期各。以其所常病者選入。並非某一時期必患某一病症也。
- 一、本書每病先述病狀。使人人皆得見其病狀而追求其病因。更考其病因而施以治療。則方無不效。病無不除矣。
- 一、本書各病附有單方。蓋濟急於一時者也。根本治療。尙以參閱處方爲要。

編者識

# 國醫

萬病自療叢書

# 性病

茹十眉醫士編

弟茹 苦恭錄

## A 月經病治療法

經水先期——經水過期——經水過多——經水澀少——經來腹痛——熱入血室——血枯經閉——月經崩漏

### □ 經水先期

【病狀】經水先期。當察其色。有色紫而多。有色紫而少。有色淡而多。有色淡而少。其狀不一。其因亦異。宜審治之。

【病因】經多色紫者。腎中水火皆太旺。蓋有餘之病也。經少色紫。或至成塊者。此乃熱傷陰分。火有餘而水不足也。經多色淡者。濕氣傷也。經少色淡者。寒凝而氣虛也。故或至成塊。

【治療】經多色紫者。邪火不可任其有餘。而正水不可使之不足。故治之但少清其熱。勿泄其水。清經散主之。經少色紫。治之以專補真水而勿伐真陽。兩

地湯主之。經多色淡。大法以六君子湯加黑薑、茯苓、膠艾治之。經少色淡者。大法以歸脾湯去棗仁加吳萸、姜艾治之。

### 一 清經散

丹皮三錢 地骨皮五錢 白芍三錢(酒炒) 大熟地三錢(九蒸) 青蒿二錢 白茯苓一錢  
黃柏五分(鹽水浸炒)

右水煎溫服。

### 二 兩地湯

大生地一兩(酒炒) 元參一兩 白芍藥五錢(酒炒) 麥冬肉五錢 地骨皮三錢 阿膠三錢  
右水煎溫服。

### 三 加味六君子湯

炙黨參 甘草 半夏 阿膠珠(蛤粉炒) 製白朮 茯苓 陳皮 黑薑 蘆艾葉各二錢  
右水煎溫服。

### 四 加減歸脾湯

人參 龍眼肉 黃耆各二錢半 甘草五分 白朮二錢半 茯苓二錢半 木香五分 當歸  
吳萸 姜艾 遠志各一錢  
右水煎溫服。

### 五 單方

多而紫黑者。有熱也。用歸身。川芎。各七分。赤芍。生地。知母。麥冬。地骨皮。各一錢。甘草五分。水煎空心服。  
性急燥多怨多妬者。氣血俱熱。且有鬱也。用製香附炒研。歸身。川芎。白芍。條芩炒。黃連各一錢。生草五分。生地七分。水煎服。形瘦素無他疾者。血熱也。用歸身。生地。川芎。赤芍。黃芩炒。黃連炒各一錢。生草五分。水煎食前服。兼用黃芩。黃柏。黃連俱炒。各等分。蜜丸。開水下以補之。形瘦素多疾。且有熱者。衝任內傷也。用歸身。白芍。台黨。熟地。知母。麥冬各一錢。川芎七分。炙草五分。薑棗引。水煎食前服。如形肥多瘡多鬱者。則其血虛氣熱也。用歸身。川芎。生地各七分。陳皮去白。法半夏。雲苓。生草各五分。條芩炒。香附童便炒。黃連各一錢。薑引。水煎服。

### 經水過期

【病狀】經水過期而至。色多不鮮。或色見沈黑。或澀滯而少。其脉或微細。或沉遲。

弦澀。其臟氣形氣。必惡寒喜煖。

【病因】是爲陽氣不足。無火血寒之症。

【治療】治宜溫養血氣。溫經攝血湯。或通經四物湯主之。

一 溫經攝血湯

大熟地一兩(九蒸) 白芍一兩(酒炒) 川芎五錢(酒洗) 白朮五錢(土炒) 柴胡五分

味子三分 肉桂五分(去粗研) 續斷一錢

右水煎溫服。

二 通經四物湯

當歸一錢半 熟地黃 白芍藥 香附子 蓬朮 蘇木各一錢 木通八分 川芎 肉桂 甘

草各五分 紅花二分 桃仁二十個

右剉作一貼。空心水煎服。

三 單方

經水過期色淡而少者。氣虛血少也。用川芎。白芍。茯苓。台黨。歸身。生草。生地。白朮各等分。薑棗引。水煎

食後服。如性急燥。多怒多妬者。則其氣逆血少也。上方加香附炒。青皮各等分。水煎服。兼常用蒼朮米水浸。香附童便浸一日夜。各三兩。條芩酒炒一兩。共爲末。湯浸。蒸餅爲丸。開水下。如形瘦素無他疾者。則其氣血俱不足也。用台黨。白朮土炒。茯苓。炙草。當歸。川芎。白芍俱酒炒。熟地。炙者各一錢。肉桂五分。薑。棗引。水煎服。如形瘦食少。則其脾胃衰弱。氣虛血少也。用當歸。川芎。陳皮。茯苓。白朮。台黨各一錢。薑。棗引。水煎服。

## □ 經水過多

【病狀】經水多而不斷。淋漓腹痛。困乏無力。面色痿黃。

【病因】或因勞損氣血而傷衝任。或因經行而合陰陽。以致外邪客於胞內。滯於血海故也。

【治療】勞傷血氣。衝任虛損者。宜服膠艾湯。口乾心煩。四肢羸乏。飲食減少。面黃肌瘦者。宜服續斷丸。或禹餘糧丸。血虛氣滯者。宜服過期飲。審其因而未明者。可服加減四物湯。或當歸龍骨湯。

### 一 膠艾湯

阿膠(炒) 川芎 甘草(炙)各二錢 當歸 艾葉(炒)各三錢 熟地黃 白芍藥各四錢  
右吹咀。水煎服。

## 二 續斷丸

川續斷 當歸 烏賊骨 黃耆 牛角腮(燒) 五味子 甘草 龍骨(煨研) 赤石脂 熟地黃各一兩 地榆半兩 艾葉 附子 乾薑 川芎各七錢半  
右爲末。煉蜜丸梧子大。每服三十九丸。空心溫酒下。

## 三 禹餘糧丸

禹餘糧二兩 鹿角膠七錢半(粉炒) 紫石英 續斷 赤石脂 熟地黃 川芎各一兩 乾薑 黃耆 艾葉 柏葉(炒) 當歸(炒) 人參 百茯苓各半兩  
右爲末。煉蜜丸梧子大。每三十九丸。空心米飲下。

## 四 過期飲

熟地黃 白芍藥 當歸 香附各二錢 川芎一錢 紅花七分 桃仁泥六分 蓬莪朮 木通 各五分 甘草 肉桂各四分



右水二鍾煎一鍾食前溫服。

## 五 加減四物湯

大熟地一兩（九蒸） 白芍三錢（酒炒） 當歸五錢（酒炒） 川芎二錢（酒洗） 白朮五錢（土炒） 黑芥穗三錢 山萸三錢（蒸） 續斷 甘草各一錢

右水煎服。四劑血歸經。十劑後加人參三錢。再服十劑。下月行經。適可而止矣。

## 六 當歸龍骨丸

當歸 白芍 黃連 染槐子 艾葉（炒） 茯苓各半兩 龍骨 黃蘗各一兩 木香一分

右爲末。滴水爲丸。如小豆大。溫米飲下三四十九丸。食前日三五服。

## □ 經水澀少

【病狀】經水不利。苔寸脉弦。關脉沉。是肝病也。兼之腹痛。孔竅生瘡。尺脉滑。血氣實。經絡不利。或尺脉絕不至。兼主小腹引腰痛。氣攻胸膈。

【病因】由於婦人勞傷氣血。體虛而風冷客於胞中。傷於衝任之脉故也。

【治療】月水不利。臍腹作痛。或小腹引腰。氣攻胸膈者。宜服牛膝散。牡丹散。萬病

丸。促經湯等劑。血海虛弱。心中恍惚。時多驚悸。或發虛熱。經候不調者。宜服養榮湯。滋血湯。牡丹散等劑。積瘀腰腹疼痛者。宜服紅花當歸散。通經丸。無極丸等劑。軀體肥滿而有疾者。宜服導痰湯。或經驗方。百療不瘥者。可服乾漆圓。

### 一 牛膝散

牛膝一兩(酒製) 桂心 赤芍藥 桃仁(去皮尖) 元胡索(炒) 當歸(酒浸) 牡丹皮 木香各七錢半

右爲末。每服一錢。空心溫酒下。

### 二 牡丹散

牡丹皮 大黃(炒)各一兩 赤茯苓 桃仁 生地黃 當歸 桂心 赤芍藥 白朮各七錢半  
石葦(去毛) 木香各半兩

右咬咀。每服三錢。水一盞。薑三片。煎七分。空心溫服。

### 三 萬病丸

乾漆（杵碎炒烟盡） 牛膝（去苗酒浸一宿焙乾）各一兩  
右爲末。以生地黄汁一升。入二味藥末。銀器內慢火熬至可丸。卽丸如桐子大。每服二丸。空心。米飲或  
溫酒下。

#### 四 促經湯

香附子 熟地黄 白芍藥 莪朮 木通 蘇木各八分 當歸一錢 川芎 紅花 肉桂 桃  
仁（二十粒去皮尖） 甘草五分  
右水鍾半。煎八分。空心溫服。

#### 五 養榮湯

白芍藥 川芎 熟地黄 薑黃 當歸 川姜 青橘皮 五加皮 牡丹皮 海桐皮 白芷各  
等分

右每服五錢。水一盞半。生薑五片。烏梅一個。煎至一盞。溫服。不拘時。送紫桂丸五十粒。

#### 六 紫桂丸

禹餘糧三兩（火煨醋淬七次） 龍骨 艾葉（醋炒） 赤石脂 牡蠣（煨） 地榆各二兩 牡丹

皮 厚朴 當歸 阿膠(蛤粉炒成珠子) 吳茱萸 香白芷 肉桂各一兩(去粗皮) 附子半兩(炮)

右爲末。麵糊爲丸。梧桐子大。每服三十丸。

### 七 滋血湯

馬鞭草 牛膝 荊芥穗各二兩 當歸 肉桂 牡丹皮 赤芍藥 川芎各一兩  
右每服四錢。烏梅一個。水二盞。煎一盞。食前服。日進四五服。服至半月或一月。經脈自通。

### 八 牡丹散

乾漆(炒)二兩 蘇木 蓬莪朮 鬼箭各一分 甘草 當歸 桂心 牡丹皮 芍藥 延胡索  
(炒) 淨陳皮 紅花 烏藥 沒藥(剉研)各一兩  
右咬咀。每服三錢。水一盞。煎七分。溫服。無時。

### 九 紅花當歸散

紅花 當歸尾 紫葳 牛膝 甘草 蘇木(細剉)各二兩 赤芍藥九兩 劉寄奴 桂心 白芷各一兩半

右爲細末。空心熱酒調三錢服之。食前。臨臥再服。若久血不行。膿煎紅花酒下。孕婦休服。

## 十 通經丸

桂心 青皮(去白) 大黃(炮) 乾薑(炮) 川烏(炮) 川椒(炒出汗) 蓬莪朮 乾漆(炒

煙盡) 當歸 桃仁(製炒)各等分

右爲末。先將四錢。用米醋熬成膏。和餘六錢末成劑。臼中杵。丸如桐子大。曬乾。每服二十九。用淡醋湯下。加至三十九。溫酒亦得。空心食前服。

## 十一 無極丸

錦紋大黃四兩(一兩酒煮一兩醋煮一兩童便煮一兩鹽水煮各七次合一處又七蒸七晒)

右爲末。用當歸熟地黃各一兩半。濃煎汁。煮糊和丸。梧子大。紅花煮湯下。三十九。

## 十二 導痰湯

黃連二錢 白朮一錢半 陳皮 滑石各一錢 黃芩半錢 木通三分 桃仁十二個 甘草

(炙)少許

右水煎服。

### 十三 經驗方

瓜蒌子一兩 黃連半兩 吳茱萸十兩 桃仁五十粒 紅麴二錢 縮砂三兩 山查末一兩  
右生姜汁研。炊餅爲丸。每服二丸。白湯下。

### 十四 乾漆丸

乾漆 土瓜根 射干 芍藥各一兩半 廩蟲 蟬蛸各四十枚 水蛭 蠱蟲各七十枚 桃仁  
鼈甲各二兩 丹皮 牛膝 黃芩 吳茱萸 大黃 桂心 柴胡各一兩六分 火麻仁四合  
亂髮(鷄子大)二枚 菴闔子二合

右爲末。以蜜和丸。每日酒下十五丸。梧子大。漸加至三十九。日三。仍用後浸酒。服前丸藥。

### 十五 浸酒方

火麻子三升 菴闔子三升 桃仁一升 桂心 竈屋臭煤各四兩 土瓜根 射干各六兩 牛  
膝八兩

右咬咀。以清酒三斗。絹袋盛藥浸五宿。或單服之。不下前藥亦好。

### □ 經來腹痛

【病狀】脈沉緊細動。皆主腹痛。陽弦頭疼。陰弦腹痛。肝脈若沉。月水不利。腰腹痛。疼。月水不通。繞臍寒疝痛。其脈沉緊。

【病因】此由血積不散。爲氣所冲。新血與故血相搏。或爲濕所阻。故痛。

【治療】經水將來。臍下先痛者。宜服溫臍化濕湯。經行後少腹疼痛。宜服調肝湯。經行時而臍腹作痛者。宜服牛膝散。血氣相搏者。宜服三神丸。

## 一 溫臍化濕湯

白朮一兩(土炒) 白茯苓三錢 山藥五錢(炒) 巴戟五錢(鹽水浸) 扁豆三錢(炒搗) 白果十枚(搗碎) 建蓮子三十枚(不去心)  
右水煎服。

## 二 調肝湯

山藥五錢(炒) 阿膠三錢(白麵炒) 當歸三錢(酒炒) 白芍三錢(酒炒) 山萸肉三錢(蒸熟) 巴戟一錢(鹽水浸) 甘草一錢  
右水煎服。

### 三 牛膝散

牛膝一兩（酒製） 桂心 赤芍藥 桃仁（去皮尖） 延胡索（炒） 當歸（酒浸） 丹皮 木香  
各七錢半

右爲末。每服一錢。空心溫酒調下。

### 四 三神丸

橘紅二兩 延胡索（酢煮） 當歸（酒浸略炒）各一兩

右爲細末。酒煮米糊爲丸如梧桐子大。每服五十九。加至百丸。空心艾湯送下。米飲亦得。

### 五 單方

行經腹痛者。用歸尾。川芎。赤芍。丹皮。製香附。元胡索各一錢。生地。紅花各五分。桃仁二十五粒。水煎服。  
（醫方捷經）

經後腹痛者。用台黨。白朮。香附醋炒。茯苓。當歸。川芎。白芍。生地各一錢。炙草。木香各五分。青皮七分。薑棗引。水煎服。（外臺祕要）

## □ 熱入血室



【病狀】婦人傷寒傷風發熱。經水適來。晝則安靜。暮則譫語。有如瘧狀。此爲熱入血室。

【病因】室者。屋室也。謂可以停止之處。人身之血室。爲榮血停止之所。經脈留會之處。卽衝脈是也。衝脈者。奇經八脈之一也。起於腎下。出於氣衝。並足陽明經。夾臍上行至胸中。而散爲十二經脈之海。男子則運行生精。女子則上爲乳汁。下爲月水。內經曰。任脈通。衝脈盛。月事以時下者是也。王冰曰。陰靜海滿而去血。謂衝脈盛爲海滿也。卽是觀之。衝是血室。可以知矣。傷寒之邪。婦人則隨經而入。男子由陽明而傳。以衝之脈與少陰之絡。起於腎。女子感邪。太陽隨經。便得而入。衝之經並足陽明。男子內熱。方得而入也。衝之得熱。血必妄行。在男子則下血譫語。在婦人則月水適來。陽明病下血譫語。此爲熱入血室也。

【治療】宜服加味小柴胡湯。或乾薑柴胡湯均可。其勢成結胸者。則以海蛤散爲宜。

### 一 加味小柴胡湯

柴胡三錢 半夏 黃芩各二錢 生地黃 人參各一錢半 甘草半錢  
右作一服。水二鍾。薑五片。棗二枚。煎一鍾。不拘時服。

### 二 乾薑柴胡湯

柴胡一錢 桂枝三分 括蕪根五分 牡蠣(煨) 乾薑(炮) 甘草(炒)各三分  
右水前服。汗出自愈。

### 三 海蛤散

海蛤 滑石(煨水飛) 甘草各五錢 芒硝一兩

右爲末。每服二錢。用鷄子清調下。小腸通利。其結血自散。更用桂枝紅花湯發其汗。則愈。

### □ 血枯經閉

【病狀】心包絡脈洪數躁作。時見大便祕澀。小便雖清不利。而經水閉絕不行。肌肉漸瘦。

【病因】夫經者。血脈津液所化。津液既絕。爲熱所燂。肌肉漸瘦。時見渴燥。血海枯

竭。病名血枯。

【治療】勞心者。宜服三和湯。諸虛者。宜服五補丸。飲食勞倦。損傷脾胃者。宜服加味補中益氣湯。發熱腹痛者。宜服凌花散。通治則以玉燭散爲主。

### 一 三和湯

當歸 川芎 白芍藥 地黃 大黃 朴硝 黃芩 梔子 連翹 薄荷 甘草各等分  
右剉。每服八錢。水煎服。

### 二 五補丸

熟地黃 人參 牛膝（酒浸去蘆焙乾） 白茯苓 地骨皮各等分  
右爲細末。煉蜜丸。如桐子大。每服三五十丸。空心溫酒下。

### 三 加味補中益氣湯

黃芪 人參 甘草（炙） 白朮 當歸 陳皮各一錢 升麻 柴胡各三分 生地黃 天花粉 各八分

右剉作一服。水煎服。

## 四 凌花散

當歸 赤芍藥 凌霄花 劉寄奴 牡丹皮(酒洗) 玄胡索 官桂 白芷 紅花(酒浸)各等分

右咬咀。每服四錢。水一盞。酒半盞。煎服。

## 五 玉燭散

當歸 川芎 白芍藥 地黃 大黃 芒硝 甘草各等分

右剉。每服八錢。水煎。食前服。

## 六 單方

凌霄花爲末。每服二錢。食前。溫酒送下。(徐氏胎產方)

## □ 月經崩漏

【病狀】非時血行。淋瀝不已。謂之漏下。忽然暴下。若山崩然。謂之崩中。甚則兩目  
黑暗。昏暈在地。不省人事。

【病因】二者之由。虛與熱而已。蓋由血虛則滯。血熱則流故也。

【治療】五崩一曰熱病下血。二曰寒熱下血。三曰經來未斷。爲房事則血漏。四曰經來舉重。傷衝任下血。五曰產後臟開經利。俱宜服小牛角鯁散。或雲母芎藭散。不省人事者宜服安崩湯。漏下宜服芎藭湯。白漏宜服馬蹄屑湯。積月不止者宜服馬通湯。

### 一 小牛角鯁散

牛角鯁一枚（燒令赤） 鹿茸 禹餘糧 當歸 乾薑 續斷各二兩 阿膠三兩 赤小豆二升  
烏鯛骨 龍骨各一兩

右十味。治下篩。空腹。以酒服方寸匕。日三。無鹿茸烏鯛骨亦可。

### 二 雲母芎藭散

雲母 芎藭 代赭 東門邊木燒各一兩 白殭蠶 烏鯛骨 白堇 蝟皮各六錢 鼈甲 桂心 伏龍肝 生鯉魚頭各八錢  
右十二味。爲細末。酒下方寸匕。日三夜一。

### 三 安崩湯

人參 黃芪 白朮各一兩 三七根末三錢  
右水煎前藥。調三七根末服之。一劑即可止崩。

#### 四 芎藭湯

川芎 乾地黃 黃芪(炙) 白芍藥 吳茱萸 甘草各二兩 當歸 乾薑各三兩  
右咬咀。以水一斗。煮取三升。分三服。

#### 五 馬蹄屑湯

白馬蹄 赤石脂各五兩 禹餘糧 烏鱗骨 龍骨 牡蠣各四兩 白殭蟲一兩 附子 乾地黃 當歸各三錢 甘草二兩  
右咬咀。以水二斗。煮取九升。分六服。日三。

#### 六 馬通湯

赤馬糞汁(卽乾馬屎水浸絞取) 生艾葉 阿膠各二兩 當歸 乾薑各一兩 好墨半兩  
右咬咀。水八升。酒二升。煮取三升。去滓。入馬通汁及膠。微火煎取二升。分再服。

#### 七 單方

血漏用伏龍肝半兩。阿膠。蠶砂炒各一兩。爲末。每空心酒服二三錢。(寇氏衍義)

血崩用甜杏仁。去仁用皮煨研。每三錢。溫酒下。(兵部手集)

石葦爲末。每服三錢。溫酒服。效。(海上方)

夏枯草末。每服一匙。米飲調下。(乾坤生意)

白扁豆花。焙乾爲末。每服二錢。空心炒米煑飲。入鹽少許調下。效。(瑣碎錄)

婦人老年。血海大崩不止。名曰倒經。陳阿膠一兩。米粉拌炒成珠。全當歸一兩。西紅花一兩。冬瓜子五錢。水煎服。血崩猶子發熱。再以六安茶葉三錢煎服。(醫學正傳)

## B 帶濁病治療法

五色帶下——白濁白淫

### □ 五色帶下

【病狀】帶下俱是濕證。而以帶名者。因帶脈不能約束。而有此病。故以名之。蓋帶脈通於任督。任督病而帶脈亦病。帶脈者。所以約束胞胎之系也。帶脈無力。則難以提繫。必然胞胎不固。故曰。帶弱則胎易墜。帶傷則胎不牢。然而

帶脈之傷。非獨跌閃挫氣已也。或行房而放縱。或飲酒而顛狂。雖無疼痛之苦。而有暗耗之害。則氣不能化。經水反變爲帶病矣。故帶病者。惟尼僧寡婦出嫁之女多有之。而在室之女則少也。況加以脾氣之虛。肝氣之鬱。濕氣之侵。熱氣之逼。安得不成帶下之病哉。

【病因】婦人有終年累月。下流如涕如唾之物。不能禁止。甚則臭穢者。所謂帶症也。

【治療】夫白帶濕盛而火衰。肝鬱而氣弱。則脾土受傷。濕土之氣下陷。是以脾精不守。不能化榮血以爲經水。反變成白滑之物。由陰門直下。欲自禁而不可得也。治法宜大補脾胃之氣。稍佐以舒肝之品。使風木不閉塞於地中。則地氣自升騰於天上。脾氣健而濕氣消。自無白帶之患矣。方用完帶湯。所謂青帶是也。治當解肝火而利膀胱之水。則青綠之帶均去矣。方用加減逍遙散。帶下色黃者。儼似黃茶濃汁。其氣腥穢。所謂黃帶是也。治當補任脈之虛而清腎火之炎。方用易黃湯。帶下色黑者。甚則如黑豆汁。其氣



亦腥。所謂黑帶是也。其證必腹中疼痛。小便時如刀刺。陰門必發腫。面色必發紅。日久必黃瘦。飲食必熱渴。飲以涼水少覺寬快。治法。惟以洩火爲主。熱退而濕自除矣。方用利火湯。帶下色紅者。似血非血。淋漓不斷。所謂赤帶是也。治須清肝火而扶脾氣。庶幾可愈。方用清肝止淋湯。

### 一 加減逍遙散

茯苓五錢 白芍五錢(酒炒) 甘草五錢(生用) 柴胡一錢 陳皮一錢 茵陳三錢 梔子二錢(炒)

右水煎服。

### 二 利火湯

大黃三錢 白朮五錢(土炒) 茯苓三錢 車前子三錢(酒炒) 黃連三錢 梔子三錢(炒) 知母二錢 王不留行三錢 石膏五錢(煨) 劉寄奴三錢

右水煎服。三劑愈。

### 三 清肝止淋湯

白芍一錢（醋炒） 紅棗十個 小黑豆一兩 當歸一兩（酒炒） 阿膠三錢（白麵炒） 粉丹皮三錢 牛膝二錢 香附一錢酒炒  
右水煎服四劑全愈。十劑不再發。

#### 四 單方

白朮五錢。真雲苔二錢。車前子一錢。雞冠花三錢。水煎服。無論久近。其效如神。赤帶。用白雞冠花。白帶。用赤雞冠花。反之爲妙。

赤白帶下。諸藥不效。年久不愈。此乃濕熱也。貫衆一個去皮毛。以好陳醋。泡透。漫火燒熱爲末。空心米湯下。每服二錢。亦百發百中之方也。

治赤白帶。熟地二兩。甘杞一兩半。川芎一兩半。全英一兩半。白椿根二兩。石蓮二兩。丹皮澤瀉各一兩半。銀杏三兩。菝葐一兩半。南芡二兩。炙草六分。金釵一兩。茯神二兩。牡豕三兩。煨。各藥煎水成湯。水不拘多少。出味爲度。乃以藥湯和牡蠣小肚一個并合。固脾補腎丸。一五兩合燉而食。甚爲效。

五色帶下。年久古磚一塊。燒極紅赤。以油煎麵餅七筒。安放磚上。再用黃瓜根。研末。鋪麵餅上。加布兩層。令病人坐上。使藥氣薰入腹中。常有蟲出。治三五次。蟲盡即愈。

赤白帶下。諸藥不能療治者。貫衆一個全用。（揉去毛及花萼）以米醋醱淫。慢火炙熟爲末。空心米飲下。每服二錢。累試甚驗。能不再發。

## 白濁白淫

【病狀】婦人小便。白濁白淫。

【病因】皆由心腎不交。養水火不升降。或因勞傷於腎。腎氣虛冷故也。腎主水而開竅在陰陽。爲洩便之道。胞冷腎損。故有白濁白淫。

【治療】宜服鎖精丸。或固精丸。如下黃水者。宜服烏金散。腹痛者宜服薑黃散。陰戶痛者。宜服加味四七湯。

### 一 鎖精丸

破故紙（炒） 青鹽 白茯苓 五味子各等分

右爲末。酒糊丸。空心。鹽湯或酒任下三十九丸。

### 二 固精丸

牡蠣（煨粉） 兔絲子（酒蒸焙） 韭子炒 龍骨 五味子 白茯苓 桑螵蛸（酒炙） 白石脂各

等分。

右爲末。酒糊。丸梧桐子大。每服七十九。空心鹽湯下。

### 三 烏金散

百草霜(炒) 紫金皮(米泔浸煮炒黃) 粉草炙各等分

右爲末。每服二錢。艾湯或醋湯。空心調下。如心嘈。豬血入鹽酒下。

### 四 薑黃散

片薑黃二兩 大附子炮一兩 柳桂 赤芍藥 紅藍子 三稜各半兩 木香 牡丹皮 芫花

(醋浸炒) 郁李仁(去皮) 沒藥各二錢半

右爲細末。每服一錢。酒煎服。如腹痛。用當歸沒藥爲末。以水七分。酒三分。同煎。熱服。

### 五 加味四七湯

半夏湯洗七次一兩 厚朴(薑汁製) 赤茯苓 香附子(炒)各五錢 紫蘇 甘草各二錢

右咬咀。分四帖。每服水二鍾。薑五片。煎八分。去滓。加琥珀末一錢。調服。

### 六 單方

糙糯米花椒等分炒爲末。醋糊丸。梧桐丸。梧子大。每服三四十九丸。前醋湯下。

風化石灰一兩。白茯苓三兩。爲末。糊丸。梧子大。每服二三十丸。空心米飲下。（楊氏家藏方）

## C 男陰病治療法

懸癰——腎囊癰——疝氣——遺精——陽痿——陰虱疥——腎囊風——縮陽症——

陽舉易洩——陽硬流精——老人腎硬——陽物腫痛——陽物割斷

### 懸癰

【病狀】此症一名騎馬癰。生於篡間。係前陰之後。後陰之前。屏翳穴即會陰穴。係任脈經首穴也。初生如蓮子。微養多痛。日久焮腫。形如桃李。其色紅。作膿。欲潰。若破潰深。久則成漏。以致瀝盡氣血。變爲瘡勞。

【病因】由三陰虧損。兼憂思氣結。濕熱壅滯而成。

【治療】初起氣壯實。尙未成膿。小水澀滯者。宜用九龍丹瀉去病根。稍虛者。仙方活命飲利去濕熱。如法治之。遇十證可消三四。如十餘日後。腫勢已成。不能內消。宜服托裏消毒散。或托裏透膿散。自破。如不破。腫高光亮脹痛者。

用臥鍼開之。穢膿一出。其腫全消者順。朝服六味地黃丸。午服十全大補湯。溫補滋陰。又有過食膏粱厚味。氣實者。初服龍膽瀉肝湯。潰服滋陰八物湯。又有房勞過度。羸弱者。初服八珍湯。潰服十全大補湯。脾虛不食。六君子湯。日久成漏者。國老膏化湯送服琥珀蠟礬丸。當戒房勞。怒氣魚腥發物。慎重調理。

## 一 九龍丹

木香 乳香 沒藥 兒茶 血竭 巴豆(不去油)

等分爲末。生蜜調成一塊。磁盒收貯。臨用時旋丸豌豆大。每服九丸。空心熱酒一杯送下。行四五次。方食稀粥。腫甚者。間日再用一服。自消。

## 二 仙方活命飲

穿山甲(三大片研) 皂刺五分 歸尾一錢五分 甘草節一錢 金銀花二錢 赤芍藥五分  
(炒) 乳香五分 沒藥五分 花粉一錢 防風七分 貝母一錢 白芷一錢 陳皮一錢五分  
右十三味。好酒煎服。恣飲盡醉。

### 三 托裏消毒散

皂角刺五分 銀花一錢 甘草五分 桔梗五分 白芷五分 川芎一錢 生黃耆一錢 當歸一錢 白芍一錢 白朮一錢 人參一錢 茯苓一錢  
右十二味。水三鍾。煎八分。食遠服。

### 四 透膿散

生黃耆四錢 穿山甲一錢 川芎三錢 當歸二錢 皂角刺一錢  
右五味。水三鍾。煎一鍾。先飲酒一杯。後服藥。

### 五 六味地黃丸

乾地黃八兩（九蒸爲度搗膏） 乾山藥 山萸肉各四兩 丹皮 白茯苓 澤瀉各三兩  
右六味爲末。煉蜜丸。如桐子大。酒下十五丸。日再服。

### 六 十全大補湯

人參一錢 茯苓一錢 白朮一錢五分 甘草五分（炙） 當歸一錢 白芍一錢（炒） 地黃一錢 遠志 五味子各一錢 陳皮

右水煎服。

### 七 龍膽瀉肝湯

龍膽(酒炒)三分 黃芩(炒) 梔子(酒炒) 澤瀉一錢 木通 車前子各五分 當歸二分  
(炒酒洗) 柴胡一錢 甘草 生地(酒炒)各三分  
右十味。水煎服。

### 八 滋陰八物湯

當歸 生地黃 白芍藥(酒炒) 川芎 丹皮 花粉各一錢 澤瀉五分 甘草節一兩  
右水二鍾。燈心五十寸。煎八分。食遠服。大便祕者。加蜜大黃一錢。

### 九 八珍湯

當歸 熟地各三錢 川芎一錢五分 白芍二錢(酒炒) 人參 白朮 茯苓 甘草各三錢  
右加薑棗。水煎服。

### 十 六君子湯

人參 白朮 茯苓 甘草 陳皮 半夏各二錢



右用薑棗水煎服。

## 十一 國老膏

甘草（二觔大者）

搥碎。河水浸一宿。揉令漿汁膿。去盡筋渣。再用絹濾過。銀器內慢火熬成膏。用磁罐收貯。每服三錢。無灰溫酒調下。或白滾水亦可。

## 十二 琥珀蠟礬丸

黃蠟一兩 白礬一兩二錢 雄黃一錢二分 琥珀一錢（另研細末） 硃砂一錢（細研） 白蜜二錢

右四味先研細末。另將蠟蜜入銅杓內溶化。離火片時。候蠟四邊稍凝。方將藥味入內攪勻。共成一塊。將藥火上微烘。急作小丸如菉豆大。硃砂爲衣。磁罐收貯。每服二三十丸。食後白湯送下。毒甚者。早晚服。其功最速。

## 腎囊癰

病狀】此證生於腎囊。紅腫焮赤疼痛。身發寒熱。口乾飲冷。

【病因】由肝腎濕熱下注腎囊而成。

【治療】初起宜服荆防敗毒散汗之。外用葱鹽熬湯燙之。寒熱已退。宜服清肝滲濕湯消解之。不應者。膿勢將成也。急服滋陰內托散。若氣怯食少時。宜服透膿湯。外用二味拔毒散。圈敷膿根。腫脹痛者。用臥鍼鍼之。出稠膿者。順出腥水者。險。宜服托裏排膿湯。外用琥珀膏貼之。俟腫消膿少痛減時。用生肌散。生肌玉紅膏。以生肌斂口。此癰本於肝腎發出。以滋陰培補氣血爲要。生肌斂口時。朝服六味地黃丸。暮服人參養榮湯滋補之。甚效。此證若失治潰深。露罌丸者。險。然不可棄而不治。宜杉木炭托之。蘇子葉包之。患者仰臥靜以養之。或可取效。

一 荆防敗毒散

荆芥 防風 羌活 前胡 柴胡 桔梗 川芎 枳殼(麸炒) 茯苓各一錢 人參 甘草各五分

右薑三片。水二鍾。煎八分。食遠服。寒甚。加葱三枝。

## 二 清肝滲濕湯

黃芩 梔子(生研) 當歸 生地 白芍藥(酒炒) 片芎 柴胡 花粉 龍膽各一錢(酒炒)  
甘草(生)澤瀉 木通各五分

右水二鍾。燈心五十寸煎八分食遠服。

## 三 滋陰內託散

當歸 熟地 白芍藥(酒炒) 川芎 各一錢五分 穿山甲(炙研)澤瀉 皂刺各五分 黃芪

一錢五分

右水二鍾。煎八分食遠服。

## 四 托裏透膿湯

人參 白朮土炒 穿山甲炒研 白芷各一錢 升麻 甘草節各五分 當歸二錢 皂角刺一錢五分 生黃芪三錢 青皮五分(炒)

右水三鍾。煎一鍾。病在上部。先飲煮酒一鍾。後熱服此藥。病在下部。先服藥。後飲酒。病在中部。藥內兌酒半鍾熱服。

## 五 二味拔毒散

明雄黃 白礬各等分

右二味爲末。用茶清調化。鵝翎蘸掃患處。癢痛自止。紅腫卽消。

## 六 托裏排膿湯

當歸 白芍(酒炒) 人參 白朮(土炒) 茯苓 連翹去心 金銀花 浙貝母各一錢(去心)

生黃芪二錢 陳皮八分 肉桂六分 桔梗一錢(胸之部加) 牛膝八分(下部加) 白芷五分

(頂之上加) 甘草四分

右薑一片。水三鍾。煎一鍾。食遠溫服。

## 七 琥珀膏

定粉一兩 血餘八錢 輕粉四錢 銀硃七錢 花椒十四粒 黃蠟四兩 琥珀五分末 麻油

十二兩

右將血餘。花椒。麻油。煤焦。撈去渣。下黃蠟溶化盡。用夏布濾淨。傾入磁盤內。預將定粉。銀硃。輕粉。琥珀。四味各研極細。共合一處。徐徐下入油內。用柳枝不時攪之。以冷爲度。綿燕脂攤貼。或紅綿紙亦可。

## 八 生肌散

生石膏一兩（爲未用甘草湯飛五七次） 辰砂三錢 冰片二分 硼砂五錢  
右四味共爲末。撒患處。

## 九 生肌玉紅膏

當歸二兩 白芷五錢 白蠟二兩 輕粉四錢 甘草一兩二錢 紫草二錢 瓜兒血竭四錢  
麻油一斤

右將當歸、白芷、紫草、甘草四味入油內浸三日。大杓內慢火熬微枯色。細絹濾清。將油復入杓內煎滾。入血竭化盡。次下白蠟。微火亦化。用茶鍾四個。預放水中。將膏分作四處。傾入鍾內候片時。方下研極細輕粉各投一錢。攪勻候至一日夜用之極效。

## 十 六味地黃湯

熟地八錢（酒蒸搗膏） 山藥四錢（炒） 山萸肉五錢（去核） 白茯苓四錢 牡丹皮四錢（酒洗） 澤瀉三兩（蒸）

右八味共爲末。煉蜜丸如梧桐子大。每服二錢。空心鹽湯送下。

## 十一 人參養榮湯

人參一錢 茯苓一錢 白朮一錢五分 甘草五分(炙) 白芍一錢(炒) 地黃一錢 黃耆一錢 肉桂八分 陳皮 遠志 五味各一錢  
右水煎服。

### 疝氣

【病狀】七疝者。一曰衝疝。氣上衝心。二便不通也。二曰狐疝。臥則入腹。立則出腹也。三曰癰疝。陰囊腫大。如升如斗也。四曰厥疝。肝氣上逆也。五日癥疝。腹有癥痞。痛而熱。時下白濁也。六曰疝疝。內裹膿血也。七曰疝疝。內裹膿血。小便不通也。

【病因】疝者。少腹痛。引睪丸也。經云任脈爲病。男子外結五疝。女子帶下癥聚。

【治療】治疝之法非一。而分別不外氣血也。氣則逆走不定。血則凝聚不散也。橘核丸加減主之。

### 一 橘核丸

橘核二兩(鹽酒炒) 小茴香 川棟子(煨去肉) 桃仁(去皮尖及雙仁者炒) 香附(醋炒)

山查子(炒)各一兩 廣木香 紅花各五錢

以神麴三兩打糊爲丸。每服三錢。衝疝用白茯苓一錢松子仁三錢煎湯送下。狐疝用當歸二錢。牛膝一錢五分煎酒送下。癰疝用白茯苓陳皮赤茯苓各一錢煎湯送下。厥疝治同衝疝。癭疝用丹參白茯苓各一錢五分煎湯送下。瘰疝本方內加五靈脂一兩醋炒赤芍一兩五錢酒炒服時用牛膝一錢五分當歸尾三錢煎酒送下。瘰疝治法同上。此證若寒熱深重本方內加吳茱萸肉桂心各五錢甚則加附子一枚若寒束其內熱腹痛熱辣或流白濁者本方內加黑子梔五錢川萆薢一兩吳茱萸三錢湯泡七次吳萸散表寒山梔清內熱二者并行丹溪心法也。

## 二 單方

苡仁一兩用東壁土炒黃入水煮爛放沙盆內研成膏每用無灰酒調服二錢卽消。

## 遺精

【病狀】夢而遺者謂之遺精。不夢而遺者謂之滑精。

【病因】大抵有夢者由於相火之強。不夢者由於心腎之虛。

【治療】一曰清心丸。瀉火止遺之法也。一曰十補丸。大補氣血。但氣旺則能攝精也。其有因誦讀勞心而得者。更宜補益。不可輕用涼藥。復有因於濕熱者。濕熱傷腎。則水不清。法當導濕爲先。濕去水清。而精自固矣。祕精丸主之。

### 一 清心丸

生地四兩(酒洗) 丹參二兩 黃柏五錢 牡蠣山藥 棗仁(炒) 茯苓 茯神 麥冬各一兩  
五錢 北五味 車前子 遠志各一兩  
用金櫻膏爲丸。每服三錢。開水下。

### 二 十補丸

大熟地四兩 當歸二兩 白芍二兩 黃芪四兩 人參二兩 白朮四兩 茯苓二兩 山藥三兩  
兩 棗仁二兩 遠志二兩 山萸肉三兩 杜仲三兩 續繼二兩 北五味一兩 龍骨一兩  
牡蠣一兩

用石斛四兩熬膏。和煉蜜爲丸。每早開水下四錢。凡使煎劑。彷彿丸方。

### 三 祕精丸



白朮 山藥 茯苓 茯神 蓮子肉(去心蒸)各二兩 芡實四兩 蓮花須 牡蠣各一兩五錢  
黃柏五錢 車前子三兩

共爲末。金櫻膏爲丸。如桐子大。每服七八十九。開水下。氣虛者。加人參一兩。

#### 四 單方

遺久則玉關不閉。精盡而亡。世人往往用澀精之藥。所以不救。倘於未曾太甚之時。大用補精補氣。何至於此。芡實。真山藥各一兩。蓮子五錢。茯神二錢。炒。棗仁三錢。台黨一錢。水煎服。先將藥湯飲之。後加白糖五錢。拌勻。連渣同服。每日如此。不須十日即止。夢不遺矣。

治夢遺用熟地一兩。萸肉四錢。茯苓。茯神。當歸。白芍。各二錢。白朮。薏仁。生棗仁。各五錢。北五味。白芥子。各一錢。肉桂。黃連各三分。水煎服。一劑即止。夢遺。十劑全愈。

治遺精。蓮子二兩。硃砂一兩。共研末。滾水沖服。數劑即愈。

白龍骨研細一兩。葑菜子炒一合。爲末。空心陳酒調服二錢。

龍骨。蓮鬚。芡實。烏梅肉。各等分。爲末。用山藥丸如小豆大。每服三十九。空心米飲下。

文蛤研細末。以女兒津調貼臍內立止。

白茯苓二兩。縮砂仁一兩。爲末。入鹽二錢。精羊肉批片。摻藥炙食。以酒送下。(普濟方)

荷葉研末。酒服三錢。驗。

方名將軍蛋。生大黃三分。生鷄子一個。將鷄子頂尖上敲損孔。入大黃末在內。紙糊煮熟。空心喫之。四五朝即愈。神奇祕方也。

砂仁二兩。黃蘗二兩。炙甘草七錢。煉蜜爲丸。每服三錢。淡鹽湯送下。輕者一二料。重者三四料。必愈。(易簡方)

## 陽痿

【病狀】陽物不舉。或舉而不久。甚則下部極冷。

【病因】男子陽痿不起者。多由於命門火衰。精氣虛冷。或七情勞倦。損傷陽氣。或溼熱熾盛。以致宗筋弛縱。而爲痿弱者。譬如酷暑時。其諸物綿萎。經云。壯火食氣。亦此謂也。

【治療】命門火衰。精氣虛寒。而陽物不舉。或下部極冷。而爲陽萎者。宜用右歸飲。火不甚衰。而陰氣薄弱者。或一時難舉。或舉而不甚久者。亦爲陽萎。不宜

過服熱藥。宜用左歸飲。因憂思驚恐過度。致令脾腎虧敗。氣受傷而爲陽痿者。必須大開懷抱。方得振興。徒資藥力。終難見效。故宜用五福飲內加枸杞。兔絲各三錢。肝腎溼熱。以致宗筋弛縱而陽痿者。當察其必有火症。大脈內外相符。方是濕熱之害。卽屬如此。亦不可過用苦寒瀉之。當知腎無瀉法也。宜用六味地黃湯。

## 一 右歸飲

大熟地二兩 菟絲三錢 上玉桂二錢（研末沖） 生五味八分（搗碎） 鹿茸二錢 瑣陽二錢  
熟附片四錢 枸杞三錢（酒炒） 川椒七分（去閉口炒微汗） 淮牛膝二錢 淮山藥五錢 固脂二錢（核桃肉拌炒）  
右水煎服。

## 二 左歸飲

熟地一兩二兩均可 茯苓三錢 枸杞二錢 淮山藥七錢 棗皮二錢（炒） 炙草錢半  
右水煎服。

### 三 五福飲

人參隨宜(補心) 熟地一兩或二兩均可(補腎) 當歸三錢(補肝) 焦朮二錢(補肺) 炙草錢半(補脾)

宜溫者加生姜數片熟附片一二錢。宜散者加升麻三四分。柴胡八分。葛根八分。左右逢源。無不可也。凡素係勞心人調補。常服此方。均宜以此爲主。男婦老弱無不相宜之至。

### 四 六味地黃湯

乾地黃八錢(九蒸爲度搗膏) 乾山藥 山萸肉各四分 丹皮 白茯苓 澤瀉各三錢 右六味爲末。煉蜜丸。如桐子大。酒下十五丸。日再服。

### 五 單方

蛇牀子五味子。菟絲。等分爲末。蜜丸。梧子大。每服三十九。溫酒下。日三服。(千金方)

覆盆子作丸。久服能令堅長。(本草綱目)

牡狗陰莖焙乾爲末。和酒服。令強熱大。能生子。(本草綱目)

紫梢花。生龍骨各二錢。麝香少許。爲末。蜜丸。梧子大。每服二十九。燒酒下。欲解。飲生薑甘草。(集簡方)

腎虛陽痿用豬腰子一對。切片。枸杞葉八兩。以鼓汁一盞。同椒鹽煮羹食。（經驗方）  
麻雀又名瓦雀肉。冬月煮食。功能起陽生子。其效無窮。或用麻雀蛋煮食。更爲神妙。

新鳳仙花子（卽指甲子又名急性子研末三錢）鴉片煙一錢。蟾酥八分。眞麝香（二分。此味俟做丸加入）共爲一大丸。外用葱白搥爛。包裹。再加紙一二層。用水泡溼。放炭火中煨熱。換紙再煨。煨至七次。去葱紙。將藥改爲小丸。如菉豆大。每於將睡。先一二時取二丸。用酒化開。敷陽頭上。半時。俟陽物舉起。將藥洗去。然後行事。堅而且久。並能種子。其效如神。

大附子（一個。重一兩五六錢者）鴉片煙五分。硫黃末二錢。穿山甲（二片。炙黃研末）將附子挖空。以其藥納入。用好酒半斤。和附子。用文武火煮乾。取出。搗爛如膏。先用麝香三釐。放臍眼。再將此膏貼下。懸驗無比。

母豬。腹內子腸。新瓦上焙乾爲末。每服一錢。燒酒送下。可服一月。  
蜂巢。新瓦上焙枯爲末。新汲水調服一二錢。終夜不倒。極效。

## 陰虱瘡

【病狀】此瘡一名八脚蟲。生於前陰毛際內。瘙癢難忍。抓破色紅。中含紫點。

【病因】由肝腎氣濁生熱。兼淫慾失洗。不潔搏滯而成。

【治療】內宜服蘆蘘地黃丸。外用鍼破去虱。隨擦銀杏無憂散。

一 蘆蘘地黃丸

乾地黃八兩（九蒸爲度搗膏） 乾山藥 山萸肉各四分 丹皮白茯苓 澤瀉各三兩 蘆苻五

錢 黃蘘一兩（蜜炒）

右爲末。煉蜜丸。如桐子大。酒下十五丸。日再服。

二 銀杏無憂散

水銀（鉛製） 輕粉 杏仁（去皮尖搗膏） 蘆苻 雄黃 狼毒各一錢 麝香一分

右除水銀杏仁膏。共研篩細。再入銀杏同研勻。先以石菖蒲煎湯洗之。用鍼挑破去虱。隨用津唾調擦。使藥氣入內。愈。不復發。切忌牛犬髓肉。

□ 腎囊風

【病狀】此證一名繡毬風。係腎囊作癢。初起乾燥癢極。喜浴熱湯。甚起疙痞。形如赤粟。麻癢搔破浸淫脂水。皮熱痛如火燎者。

【病因】由肝經濕熱。風邪外襲皮裏而成。

【治療】此屬裏熱。俱宜龍膽瀉肝湯。外用蛇床子湯薰洗之。洗後。擦狼毒膏。甚效。

### 一 龍膽瀉肝湯

龍膽(酒炒)三分 黃芩(炒) 梔子(酒炒) 澤瀉一錢 木通 車前子各五分 當歸二分  
(炒酒洗) 柴胡一錢 甘草 生地(酒炒)各三分  
右十味水煎服。

### 二 蛇床子湯

威靈仙 蛇床子 當歸尾各五錢 縮砂殼三錢 土大黃 黃參各五錢 老葱頭七個  
右水五碗。煎數滾。傾入盆內。先薰。候溫。浸洗。

### 三 狼毒膏

狼毒 川椒 硫黃 檳榔 文蛤 蛇床子 大風子 枯白礬各三錢  
右共研細末。用香油一茶鍾。煎滾下公豬膽汁一枚。和勻。調前藥。擦患處。

### 四 單方

用豬尿泡。火炙。以鹽酒食之。(救急方)

以稻草燒皂角熏十餘次。即止。(濟急仙方)

地骨皮二兩。吳茱萸一兩。煎湯熏洗。即效。(應驗良方)

新荷葉一張。連鬚。葱頭七個。煎湯。先熏後洗。良佳。(濟衆方)

雞蛋煮熟。去白留黃炒。出油老。杉木燒灰調油擦之。(驗方)

## 縮陽症

【病狀】陽具忽然縮入。小腹絞痛。唇青面白。命在須臾。

【病因】多由房後受寒所致。

【治療】火藥二錢。研碎。滾水沖服。用熱酒更妙。如得吐瀉。即回生。若不用此猛烈之藥。決無生理。勿以危險忽之。但火藥研時。須輕且遲。以免爆發。

## 男子陰病雜治

陽舉易洩。大蚯蚓。(又名曲蟾。要韭菜地內者。)十一條。破開。長流水洗淨。加韭菜汁。搗融。滾酒沖服。日服一次。服至數日。即能久戰。可望生子。



陽物堅硬精自流出。捏之則胞痛如針刺。此名腎漏。又名妬精。或云生楊梅瘡多有此症。用破故紙。韭菜子各一錢五分。黃柏五分。煎服。若不見效。照後強中方治之。

老人腎硬。老人腎藏虛寒。內腎結硬。雖服補藥不入。用羊腰子一對。杜仲（一片錢二寸。寬一寸。）煮熟空心食之。腎白柔軟。再用補藥調理。

飛絲纏繞陽物腫痛不已。威靈仙二兩。煎濃汁。泡起即愈。

陽物割斷。凡陽物割斷。傷口不合。急用所割陽物焙枯。研末。用酒沖服。立效。

## D 女陰病治療法

陰挺——陰腫——陰脫——陰癩——陰蝕——陰癢——吊陰——陰戶翻出——陰吹  
——陰痛——初生無陰——婦人交腸——陰爛——陰冷——陰寬

### 陰挺

【病狀】此證俱生於陰器。陰中挺出一條如蛇形者。名爲陰挺。

【病因】由脾經虛弱。或產後遇怒受風所致。

【治療】初宜服逍遙散加荊芥防風。次宜朝服補中益氣湯。倍加升麻。晚服龍膽

瀉肝湯。外以蛇床子湯煎湯薰洗之。

### 一 逍遙散

芍藥(酒炒) 當歸 白朮(炒) 茯苓 甘草(炙) 柴胡各二錢  
右加煨薑三片。薄荷少許。煎服。

### 二 補中益氣湯

黃耆(炙) 人參 雲朮(炒)各二錢五分 甘草(炙)一錢 陳皮五分 當歸一錢 升麻 柴胡各五錢

右八味加生薑三片。大棗二枚。水煎溫服。

### 三 龍膽瀉肝湯

龍膽(酒炒)三分 黃芩(炒) 梔子(酒炒) 澤瀉一錢 木通 車前子各五分 當歸二分  
(炒酒洗) 柴胡一錢 甘草 生地(酒炒)各三分  
右十味水煎服。

### 四 蛇床子湯

威靈仙 蛇床子 當歸尾各五錢 縮砂殼三錢 土大黃 黃參各五錢 老葱頭  
右水五碗煎數滾。傾入盆內。先熏候溫。浸洗。

## 五 單方

飛礬六兩。桃仁一兩。五味子。雄黃各五錢。銅絲四錢。共爲細末。煉蜜爲丸。每重四錢。卽以方內雄黃爲衣。坐入玉門內。卽愈。甚者不過二次。(聖惠方)

藜蘆爲末。豬油調塗日易。(普濟方)

生枳殼爲散。煎湯熏洗。仍用綿包枳殼渣。納陰中。(普濟方)

陰戶下物如泡。有尖。重斤餘。急與黃芪。白芷各五分。升麻二分。人參。當歸各一錢。水煎。連服三五劑。卽收。(本事方)

蛇牀子五兩。烏梅十四個。煎湯熏洗效。(瑞竹堂方)

## 陰腫

【病狀】陰戶忽然腫而作痛者。名爲陰腫。又名蚌疽。

【病因】由勞傷血分所致。

【治療】宜四物湯加丹皮澤瀉花粉柴胡服之。或服秦朮湯。外用艾葉一兩。防風六錢。大戟五錢。煎湯而薰洗。

### 一 四物湯

川芎 一錢五分 當歸三錢(酒洗) 白芍二錢(炒) 地黃三錢  
右四味水煎服。

### 二 秦朮湯

秦朮一錢五分 甘草(炙) 川芎 當歸 芍藥 生地 熟地(自製) 茯苓 羌活 獨活  
白朮 黃芩(酒炒)各八分  
水煎服。如或煩躁口渴。加石膏一錢五分。陰雨加生薑三片。春夏加知母八分。

### 三 單方

甘菊苗搗爛。煎湯。先熏後洗(應驗良方)

陰門腫滿。且作奇癢。可以蒜湯洗之。能消腫止癢(永類鈴方)

羌活。防風。煎湯熏洗。(百一選方)

枸杞根煎湯頻洗。(養疴漫筆)

生地。當歸。川芎。白芍乳香等分。搗成餅。納陰中。(物類相感志)

## 陰脫

【病狀】陰戶開而不閉。癢痛出水者。名爲陰脫。

【病因】由憂思太過所致。

【治療】宜逍遙散。或歸脾湯俱加柴胡梔子白芍丹皮服之。由產後得者。補中益氣湯。加五味子醋炒白芍服之。俱用荆芥枳殼訶子文蛤大劑煎湯薰洗。

### 一 逍遙歸脾湯

芍藥(酒炒) 當歸 白芍(炒) 茯苓 甘草(炙) 柴胡各二錢

右加煨薑三片。薄荷少許煎服。

### 二 歸脾湯

人參 龍眼肉 黃耆各二錢半 甘草五分 白朮二錢半 茯苓二錢半 木香五分 當歸

酸棗仁(炒研) 遠志各一錢

右加薑三片。水煎服。

### 三 補中益氣湯

黃耆(炙) 人參 雲朮炒各二錢五分 甘草(炙)一錢 陳皮五分 當歸一錢 升麻 柴胡 各五錢

右八味加生薑三片。大棗二枚。水煎溫服。

### 四 單方

鐵精羊脂。布裹炙熱。熨推之。(聖惠方)

蛇牀子五兩。烏梅十四個。煎湯。日洗五六次。(瑞竹堂方)

桂心吳茱萸各一兩。戎鹽二兩。並熬令色變。研末。綿裹如指大。納陰中。日再易。(簡易方)

礬石燒研。空心酒服一小匙。日三次。(千金翼方)

婦人陰下脫若腸。先以淡竹根煎湯洗。再用五倍子。白礬末摻效。(千金方)

### □ 陰癩

【病狀】子宮脫出。名爲陰癩。俗名願葫蘆。

【病因】由氣血俱虛所致。

【治療】宜補中益氣湯。去柴胡。倍用升麻。加益母草服之。外以葶麻子肉搗爛貼頂心。再用枳殼半斤煎湯薰洗。由思慾不遂。肝氣鬱結而成者。必先於小便。似有堵塞之意。因而努力久之。隨努而下。令穩婆扶正子宮。令患婦仰臥。以枕墊腰。吹噓藥收之。收入即緊閉陰器。隨以布帛將腿縛定。內仍服補中益氣湯自愈。

### 一 補中益氣湯

黃耆(炙) 人參 雲朮(炒)各二錢五分 甘草(炙)一錢 陳皮五分 當歸一錢 升麻 柴胡各五錢

右八味加生薑三片。大棗二枚。水煎溫服。

### 二 單方

須隨證之左右。取穿山甲之左右邊者。炒爲末。酒下二錢(體仁彙編)

## 陰蝕

